

升菴全集

和 6
170
集 /



乾隆乙卯年重鐫

升菴全集

養拙山房藏板

刻太史楊升菴全集叙



以論博物君子其在我

朝則楊升菴先生執牛耳哉先生于書


無所不讀即諸父兄弟家庭小集亦

遞條舉徵故事為酒政而先生嘗自

稱慎苟非生執政之家安得徧發

皇史宬諸秘閣之藏既得之苟非生有

和八門
號 170
卷 21



嗜書癖亦安從筭吾腹既兼有是苟
非投諸窮裔荒徼亦不暇也嗟嗟天
啟文獻代不數人俄而龍驤俄而蠖
蝨固並有意云先生雜著丹鉛輯錄
譚苑醍醐諸書七慮數十種我先司
寇嘗從填蜀歸悉授余大科讀且謂
將謀彙刻之適與行會未遑也久之

余從都下過先生從子侍御君所得
見先生全集焉則韓城張公併彙詩
文刻諸蜀中矣曾殺青幾何時而其
字已剝且蝕矣此其摹印之者衆矣
誰謂雞林紙貴之語誕也哉頃以其
暇奉筭中所受者遺書叅以蜀本手
讐校焉而付之剞劂成先志也或謂

汝南陳晦伯又作正楊一編何耶余
曰尼父刪述莫贄一辭其諸著作之
林率有羽翼之者矣
明資善大夫右都御史後學陳大科
謨于鶴城書院

重刻太史升菴全集序

古今來著書難傳書之不易文人如
吾蜀升菴太史至矣生平枕籍乎六
經廿史博涉於諸子百家固也然天
必資之以穎銳假之以魏科使之不
惟得盡稗野之精更得以窺石室之
藏且授之荒徼以作其志廣之涉歷
以擴其胸而後自紀傳誌銘詩賦等

正集外如丹鉛諸錄譚苑醍醐諸襍
著無論數十百種靡不膾炙海內人
人肝脾著書豈易之哉顧參蜀人也
且生於升菴之鄉幼聞父師講誨知
升菴學通天人才雄藝苑且著述之
富冠絕前儒心竊慕之因徧求先生
遺文不謂蜀中絕少片紙隻字無不
等之崑玉南金不獲睹也快之者久

之後薄宦黔中時之遍訪偶得太史
升菴全集一編乃前明按蜀御史宋
可泉先生偕蜀撫張公濂濱極力搜
索得之升菴之姪之手而親加釐訂
創為付梓後又有御史陳公諱大科
重為較定剞劂者參披而讀之始信
升菴之學博矣而莫識其涯升菴之
文邃矣而莫窺其奧所謂載道之文

其在是與其在是與顧是集於升菴
一斑耳無論全豹難觀即此一斑倘非
宋張陳諸前輩珍重殷勤一鐫再鐫
不幾全沒乎傳書又豈易也哉爰携
歸以示吾鄉則莫不傳觀抄錄若獲
拱璧因思人心共嗜大美原應共諸
天下况升菴著述尤其不忍湮沒者
是集自可泉先輩搜羅創刻之又得

御史陳公不憚校讐重為鏤板豈有
他哉不過恐作者之失墜鑒學者之
慕思為之廣其傳耳參因不揣謏陋
用將原書重為較刻公諸同好正以
慕可泉諸先輩傳書之雅實以誌余
小子心佩升菴之微忱耳時

乾隆六十年歲次乙卯蒲月中浣日
棟發貴州候補吏目署鎮遠府經歷後

學賡九周參元書

淳熙六十年...

...



...

...

...

...

...



升菴先生年譜

公姓楊氏諱慎字用修別號升菴其先廬陵人六世祖諱世賢者元末避歐祥之亂徙楚麻城再避紅軍亂乃入蜀居新都世賢生壽山壽山生玟玟生湖廣提學僉事留耕公春留耕公配葉氏子七人長廷和即公父少師石齋次廷平號龍山次廷儀號瑞虹次廷簡早卒次廷宣號龍崖皆葉夫人出次廷歷次廷中側室王氏出石齋公生於天順己卯年十三舉於鄉二十舉進士由翰林庶吉士歷官少師兼太子太

師首相兩朝有除難定策之功焉子四長即升菴公少師元配一品夫人眉山黃明善之女所出次惇號叙菴癸未進士兵部職方主事恒號貞菴廕中書舍人陞大理右寺副忱號孚菴丙子舉人皆太孺人蔣氏出若龍山公之子愷悌瑞虹公之子恂慥性龍崖公之子悅惟則皆公之從弟也先是石齋與夫人黃氏以艱嗣為憂嘗禱於神後憂神語曰當以聰明竒慧子畀君又夢送五代忠臣夏魯竒至曰武臣也復以中庸十八章輔之宏治元年戊申十一月初六日

生公於京師之孝順衎衎岐嶷穎達十歲母夫人教之句讀並授以唐絕句輒成誦又以筆管印紙作圈令公書字於中曰吾雖不知書然即此則楷正自可觀矣公奮志誦讀不出戶外戊午年十一作近體詩有一盞孤燈照玉堂之句石齋公曰句佳矣但恨太孤寐爾不悅已未果羅母黃夫人憂極其悲號廢食骨立未幾祖母葉太夫人訃聞隨石齋公回蜀守制留耕公授以易兩句而浹不遺一字擬作古戰場文有青樓斷紅粉之魂白日照翠苔之骨數語瑞虹公

極稱賞又命擬過秦論留耕公竒之曰吾家賈誼也
一日石齋公與瑞虹龍崖二公觀畫問曰景之美者
人曰似畫畫之佳者人曰似真孰為正公舉元微之
詩以對龍崖曰詩亦未見佳汝可更作公呈稿云會
心山水真如畫名手丹青畫亦真夢覺難分列禦寇
影形相贈晉詩人二公曰只此二句大勝前人矣時
公年十二辛酉石齋公服闋公亦入京師有過渭城
送別詩霜葉賦其馬嵬坡詩云鳳輦匆匆下九天馬
嵬西去路三千漁陽鼙鼓烟塵裏蜀棧鈴聲夜雨邊

方士遊魂招不返詞人長恨曲空傳蛾眉尚有高邱
在戰骨潼關更可憐師福建鄉進士魏雪溪先生浚
習舉子業偶作黃葉詩李文正公見之曰此非尋常
子所能吾小友也乃進之門下命擬出師表及傅奕
請沙汰僧尼表文正覽之謂不減唐宋詞人宏治乙
丑侍石齋公於禮閣時崔公銑試卷在分考劉武臣
簾下疑其刻深未錄公見之愛其竒雋以呈石齋公
遂擢詩經魁崔知而以小座主稱焉竟為生平知己
時公年一十八歲正德丙寅與同鄉士馮馴石天柱

夏邦謨劉景宇程啟充為麗澤會即墨藍田永昌張
含結社倡和丁郊歸應四川鄉試督學南峯劉公面
試而竒之曰吾不能如歐陽公乃得子如蘓軾是秋
果擢易魁九月安人王氏來嬪清素僅如田家禮十
一月上禮部戊辰春試主考王公鏊梁公儲得公文
已置首選卷偶失燭遂下第有空吟故國三千里悔
讀南華第二篇之句入國學祭酒周公王類試之曰
天下士也已已歷事禮部周旋朝夕不倦尚書劉公
宇一日見公問曰子為誰對曰楊慎劉曰本部天下

人豈必一大臣子弟耶乃稱嘆不置辛未禮部費公
宏知貢舉入總文衡則靳公貴擢公第二殿試則及
第第一制策援史融經敷陳宏剴讀卷官李公東陽
劉公忠揚公一清相與稱曰海涵地負大放厥詞共
慶朝廷得人授翰林修撰公時年二十四癸酉丁繼
母喻夫人憂居家讀禮賻儀一無所受學憲劉公節
稱之曰禮不忘於口誦義每絕乎幣交明年藍鄆諸
寇作亂公在邑城中日夕戒嚴有賊數百詐稱官軍
以劫門者公令守雉堞者詰之散去乙亥服闋冬十

二月北上舟至嘉定黃閣扁幾危而得濟遂與布政
伍公符隣舟唱和下江陵丙子入翰林為經筵展書
官及校文獻通考同館則鄧公守益王公思尹公襄
劉公泉孫公紹祖張公潮也丁丑為殿試掌卷官得
舒公芬榮以呈閣老梁公儲不置鼎魁公力爭乃得
首第時武皇遊幸宣大榆林諸邊返而復徃公疏切
諫不報乃以養疾乞歸明年王安人卒己卯繼室得
遂寧黃簡肅公珂女時江西寧藩之變值石齋公當
國公經廣漢詩曰遊子戀所生不獲常懷安大哉宇

宙內吾道何盤桓庚辰九月公北上仍舊宮辛巳四
月世宗即位五月公為殿試受卷官八月開經筵公
首作講官進尚書金作贖刑之章言聖人贖刑之制
用於小過者冀民自新之意若大姦元惡無可贖之
理時大閹張銳于絳等皆犯先朝事罪當死以進金
銀得免故及之壬午二月命公代祀江瀆及蜀藩諸
陵寢著江祀記與給事熊公浹御史簡公霄遊浣花
溪載酒賦詩有烟霞誰作主魚鳥自相親斗酒千金
會扁舟兩玉人之句十一月北上復命癸未纂修武

廟實錄公練習朝野無事必直書總裁蔣公冤費公
宏曰官階雖未及實堪副總裁者乃盡以草錄付校
時六年考滿吏部侍郎羅公欽順考公語曰文章克
稱乎科名慎修允協乎名字甲申七月兩上議大禮
疏嗣復跪門哭諫中元日下獄十七日廷杖之二十
七日復杖之斃而復甦謫戍雲南永昌衛時同事死
者配者黜者左遷者一百八人挽舟由潞河而南值
先年被草挾怨諸人募惡少隨以伺害公知而備之
至臨清始散去時公年三十七乙酉正月至雲南病

馳萬里羸憊特甚栖旅中方就醫藥而巡撫台州
黃公衷倭且甚公力疾冒險抵永昌幾不起巡按郭
公楠清戎江公良材極為存護卜館雲峯居之且上
疏乞宥議禮諸臣而郭亦被詔下獄為民丙戌九月
聞石齋公寢疾疋馬間道十九日至家石齋公悅而
疾愈七月携家就戍所十一月尋甸府土舍安銓起
變十二月武定土舍鳳朝交亦起攻掠城堡為患孔
亟公嘆曰此吾效國之日也乃戎服率旅僅及步騎
百餘往緣木蜜所守禦入城與副使張我謀固守明

日賊來攻城寧州土舍陸紹先率兵戰城下公促城中兵鼓譟開門出戰以助外兵賊散去公復歸會城戊子春疫殍大作乃徙居洱海城疫息仍居雲峰尚書伍公文定黔國沐公紹勲鎮守太監杜唐同來問疾時公一足病有半人嘲鑿齒一足笑虞夔之句己丑八月寓趙州聞石齋公計奔告巡撫歐陽公子重疏上得歸襄事十一月還滇壬辰正月布政高公公韶聘修雲南通志館於滇之武侯祠時卿大夫有欲昌嗣穎川侯傅友德以覲世爵者公不可乃乘張羅峰

復相流言欲中害公遂去有中宵風雨太多情留住行人不放行借問小西門外柳為誰相送為誰迎之句癸巳西遊大理諸處會岵山張公舍於霽虹橋刻詩崖岬以志別甲午阿密州僉事王公廷表迎往館之經臨安納少室新喻人周氏乙未六月子同仁生丙申至喜州訪結事楊宏山十雲復寓點蒼山感通寺之寫詠樓丁酉與御史李中漢元陽遊石寶山七月還戍所戊戌奉戎檄歸蜀便道獲拜阡梓事畢還滇己亥十一月再領戎役於重慶道庚子役竣至遂

寧七月歸新都八月巡撫東阜劉公大謨聘公及王
壘王公元正方洲楊公各纂修蜀志辛丑還滇至東
瀘疾作巡撫龍山戴公金留之返成都與梓谷黃公
華珥江劉公大昌遊青城丹景雲臺諸山壬寅七月
還戍所八月納少室北京人曾氏癸卯十二月子寧
仁生公大喜時當道與黔國沐公交遊士大夫俱詩
章晏賀有天上麒麟輝蜀水海中龍馬過滇池之句
是年公復領戎役於蜀甲辰至瀘州與少岷魯公璵
遊九十九峰山四月還戍所乙巳二月徙居大理與

門生董難尋罷谷山經喜驗會宏山諸公倡和九月
還戍所丙午丁未居滇之高峽有十二境日與士大
夫交遊二月公屬紹芳隸漢王褒移金馬碧鷄文於
羅漢寺之崖几招提佳勝會意處便操觚留題冬十
月公復適臨安訪臬憲樊公景麟暨桐岡葉公遊諸
巖洞勝景戊申春至晉寧與侍御池南唐公錡遊海
蜜蟠龍生佛諸山陀已酉居高峽夏秋每與滇之鄉
大夫葉雨湖胡任山遊初武廟閱文獻通考天文星
名有注張命內閣取秘書通考又作注張中使下問

欽天監及翰館中皆莫知其為何星也公曰注張柳星也歷引周禮史記漢書以復又湖廣土官水盡源通塔平長官司進貢同官疑為三地名於長官司上添一三字公曰此六字地名也取朝中官制證之嘉靖中給事中張翀上言時政論學術不止一條有商字鬼瑣之語上問之內閣公適在館中即取荀子非十二子篇以復敬所蔣公喜曰用修之博何減古之蘓頌乎其該洽精辨類如此乃若論王導之賊晉室辨太王之非剪商魯之里祭不始於成王周公春秋

五伯深斥乎楚宋秦繆引墨子及修文御覽以辨范蠡無載西施之事引黃東發蘓東坡之言及李漢韓文序以辨文公與大顛書之偽駁歐陽氏非非堂之說辨陳白沙六經皆上虛之語斥戴石屏之無行傳唐貴梅之死節此又證據古今闡揚幽隱謂其有功世教也非乎至若陶情乎豔詞寄意乎聲伎落魄不羈又公所以用晦行權匪恒情所易測者也昔重慶守劉公繪貽公廷祿偕紹芳數遊昆明池有池賞詩社集庚戌四月海口疏雲南臺司顧箬溪諸公請公

記其事於石壬子二月時在逸武弁得委祭龍海口
歸肆狂惑復丁夫六千督往駐濬剝衆利州人苦之
有言於公者公歎之曰海已涸矣田已出矣民已疲
矣致書巡按趙公炳然罷之三月劉蓉峯明刑持先
廷尉執齋王公詩文集請公批選於太華寺癸丑公
復領戎役於蜀僑寓瀘州丁巳六月長子同仁卒無
嗣八月歸新都叙菴弟卒公痛悼倍於尋常其誄詞
曰我生與弟先後之年呱呱而泣形分氣連夏炎合
簞冬寒並羶母携父抱喂濕就乾八歲就傳雙筆一

研嬉戲偕止出入隨肩飲啖讓果跬步共磚又曰七
襄將躋我歸自滇兄酬弟勸翁樂罔愆觴我於庭羣
從孚孿剝談飛屑倡和珠蟻笑語亟斷頃刻復延豈
意宴席化為几筵遽爾凋喪門祚中顛幼弱一人何
忍余捐余生則先弟亡則前兄弟存亡誰質諸天其
友愛至情見於辭者如此至若保惠遺孤紀綱家政
既乃心力從子有仁以髫年失怙而卒免於顛覆者
皆公惠之及也戊午子寧仁聚瀘州勝恩官女為室
公僑寓江陽者十數年交遊日衆與魯岷野章后齋

諸公友善已未春還戍所六月遘疾感懷詩曰七十
餘生已白頭明明律例許歸休歸休已作巴江叟重
到翻為溟海囚遷謫本非明主意網羅巧中細人謀
故園先隴癡兒女泉下傷心也淚流又訣李張唐三
公詩云魑魅禦客八千里羲皇上人四十年怨誅不
學離騷侶正葩仍為風雅仙知我罪我春秋筆今吾
故吾逍遙篇中溪李元陽半谷張池南唐叟此意非公誰
與傳卒於七月六日年七十有二時巡撫雲南游公
居敬命殯歸新都庚申冬祔葬石齋公墓側丁卯穆

宗即位奉遺詔追贈光祿寺少卿長子同仁先卒次
子寧仁時寓瀘州公卒之年夫人黃至瀘迎歸撫教
則夫人任之也公孝友性植穎敏過人家學相承益
以該博凡宇宙名物之廣經史百家之粵下至裨官
小說之微醫卜技能草木蟲魚之細靡不究心多識
闡其理博其趣而訂其訛謬焉正德間有寄書曰凡
人情有所寄則有所忘有所譏則有所棄寄之不深
則忘之不遠譏之不甚則棄之不篤忘之遠則我無
所貪棄之篤則人無所忌無所忌而後能安無所貪

而後能適足下所為蓋得其適與安也古人買田宅
擁聲伎皆豪傑蓋世之才然獨無抱尺寸者之見也
僕觀足下自蒙難以來嘔心匠意摹文續經近搜百
氏窮探古蹟鑿石剝泐碑搜出遺忘有僻儒苦士
白首蓬蓬日月纂索所不能盡而謂竭精蕩神於逸
致聲色者能之乎斯言也可謂諒公之深者矣公嘗
語人曰資性不足恃日新德業當自心力中來故好
學窮理老而不倦又嘗自贊曰臨利不敢先人見義
不敢後身雖無補於事業求不負乎君親適逢太平

以處安邊歌咏擊壤以終餘年天之顧畀厚矣篤矣
吾之涯分止矣足矣蓋困而享冲而盈寵為辱平為
福者耶此公自狀實錄至其平生著述四百餘種散
逸頗多學者恨未睹其全也

數萬金學皆財未謂其全也

辭答阻此公自出資雖至其平主在善與四百餘對皆
吾之聖分其美其美益國所享中而益廣其學平以
必數也盡竭和準無以然無平天之爾其可矣矣矣矣

